

劒

筭

劍筴第五卷標目

守府篇凡三十二事
凡三十四條

銘劔

秦望山劔

夏二劔

殷三珽劔

定光劔

丹書劔

古四良劍

鎮嶽劍

步劍

日駿劍

越八劍

秦昭正劍

定秦劍

赤霄劍

八服劔

神龜劔

茂陵劔

毛貴劔

隋侯劔

五色石劔

更國劔

安漢劔

洛水劍

伊水劍

峨嵋山劍

劍名帳

中興劍

匈奴千劍

蜀八劍

大金劍

孟德劒

蜚景劒

魏三劒三七首

吳六劒

武昌千劒

流光劒

皇帝劒

步光劒

侍臣劒

房山五劒

神劒

武昭王雌雄二劒

龍雀劒

太常劒

象閨劒

王笥劒

姚江劍

嵩阿二劍

道士造劍

玫瑰劍

法劍

進武庫劍

劔筴第五

明觀錢希言譔輯

豫章朱謀瑋訂

臨川吳之甲校閱

守府篇

此篇紀帝王之善守其劔者

筴曰魚不可脫于淵聖王不以利器示人故劔國之珪也守之不可不慎已然道德之弗服而徒馮恃其劔以威天下則珪非其珪曷貴焉湛盧之去吳入楚也豈不昭然得失之林余遡六代而上

頗采陶氏之言以文之雖算紀綿邈載
歷悠遠所賴遺墳未泯殘竹留汗撫其
麤爛披厥蝨餘鑄藏銘篆莫不有攷是
曰賢君世守之器歟唐已後閭然無聞
豈其禪鴻業承大寶世不絕聖國不絕
賢而智猶出挈瓶者下抑或有其守之
莫之傳信故盛懿弗顯將文與獻均其
咎耶詩云溫溫恭人如集于木筴守府

銘劔

黃帝即位天下已治百令具舉猶且卹然
不幸乃弗聳過禍福在所密存亾在所用
下匿其私用試其上上操度量以割其下
上下一日百戰故作巾几之銘曰毋弇弱
毋俛德毋違同毋傲禮毋謀非德毋犯非
義又著瑞書曰敬勝怠者吉怠勝敬者滅
義勝欲者從欲勝義者凶凡事不彊則枉

不敬則不正枉者滅廢敬者萬世乃命史

甲作戒盤孟籩豆奩鏡劒履與席巾杖戶

牖弓矛

一著銘詩以彌縫其闕

凡二十六昔周公誦

之干成王並見大戴禮蔡邕銘論云黃帝
有巾凡之銘孔甲有盤孟之戒漢志有孔
甲盤孟三十六御覽
以爲夏孔甲非路史

秦望山劒

夏禹名文命字高密在位十年以庚戌八
年鑄一劒長三尺九寸後藏之會稽秦望

山腹上刻二十八宿文有背面面記列星

背記山川日月

梁陶弘景
刀劍錄

夏二劍

夏啓子少康在位二十九年以三年歲次
辛卯春鑄一銅劍上有八面長三尺一寸

頭方

刀劍錄

夏孔甲在位四十年以九年歲次甲辰采
牛頭山鍊鑄一劍銘之曰甲古文篆書長

四尺一寸

甲一本作夾刃劍銀一

殷三珪劍

衛孔周祖得殷帝之珪劍服之却三軍之衆其一曰含光視不可見運之不知其所觸泯然無際經物而不覺其二曰承景昧爽之交日夕昏明之際北面察之淡淡焉若有物存莫覩其狀其觸物也竊然有聲經物而物不疾三曰霄練晝則見形而不

見光夜則見光而不見形其觸物騖然而
過隨過隨合覺疾而不血刃此三珪傳之
十三珪矣

列子

定光劍

商太甲在位三十二年以四年歲次甲子
鑄一劍長二尺九寸文曰定光古文篆書

刀劍錄

照膽劍

劍筴

卷五

守府

四

三

商武丁在位五十九年以歲次壬午鑄一
劍長三尺銘曰照膽大篆書

錄

丹書劍

周武王踐祚聞丹書之言惕若恐懼退而
爲戒書于席之四端爲銘焉于劍劍之銘
曰帶之以爲服動必行德行德則興倍德
則崩

以順也

予一人所聞以戒後世子孫

大戴

禮

古四良劔

桓公之蔥太公之闕文王之錄莊君之留
此皆古之良劔也

孫卿子

謹按孫卿子注曰蔥闕錄留齊桓公齊
太公周文王楚莊王之劔名皆未詳所
出錄疑與綠同以色爲名曹植七
啟說劔云雕以翠綠即其類也

鎮嶽劔

周昭王瑕在位五十一年以二年歲次壬
午鑄五劔各投五嶽銘曰鎮嶽長五尺大

篆書

刀劍錄

步劍

已未天子大朝于黃之山乃披圖視典用
觀天子之珪器曰天子之弓射人步劍

穆天

子傳

謹按郭璞注穆天子傳
步劍疑即步光之劍也

日駿劍

周簡王夷在位十四年以歲次癸酉鑄一

劒銘曰日駿長三尺大篆書

刀劒錄

越八劒

越王勾踐嘗使工人以白牛馬祠昆吾之神采金鑄之以成八劒一名掩日以之指

日則光晝暗

金陰物也陰盛則陽衰

二名斷水以之

劃水開而不合三名轉魄以之指月則蟾蜍爲之側轉四名縣翦飛鳥游蟲遇觸其刃如斬截焉五名驚鯢以之泛海則鯨鯢

爲之深入六名滅魄挾之夜行不逢魑魅
七名却邪有妖魅者見之而止八名真劊
以之切玉斷金如刻削土木矣蓋應八方
之氣鑄之者

王千年
拾遺記

秦昭王劍

秦昭王午鑄一劍三尺銘曰誠大篆書

劍經

定秦劍

秦始皇在位三十七年以三年歲次丁巳

采北祗銅鑄二劒銘曰定秦小篆書李斯
刻一口埋在阿房闕下一口埋在觀臺下
長三尺六寸

一本作日觀臺
刀劍鋒

赤霄劒

前漢劉季在位十二年季以始皇三十四
年于南山得一鍊劒長三尺銘曰赤霄大
篆書及貴常服之

一作小篆書或云北
即斬蛇劒一刀劍錄

謹按崔豹古今注漢世傳高祖斬白蛇
劍長七尺高祖爲泗水亭長送徒驪山

所提劍理應三尺耳後富貴則得七尺
珪劍拾舊劍而服之後漢之世唯聞高
祖以所佩之劍斬白蛇而高祖常
佩此劍後謂此劍即斬蛇之劍也

八服劍

漢武帝微在位五十四年以元光五年歲
次己巳鑄八劍各長三尺六寸銘曰八服
小篆書嵩恒衡華泰五山皆埋之

刀劍錄

神龜劍

漢文帝恒鑄三劍銘曰神龜多刻龜形以

應大橫之兆

漢書高后崩大臣遂使人迎代王代王執太后計猶豫未

定卜之兆得大橫庚庚余爲天王夏啓以光代王曰寡人固已爲王又何王乎卜人曰所謂天王者乃天子也

天子也

刀劍錄

茂陵劍

漢昭帝非時茂陵人獻珪劍上有銘曰直千金壽萬歲

西京雜記

毛貴劍

漢宣帝詢在位二十五年以太始四年鑄

劍筴

卷五

守奇

八

翠樓草堂

兩劔各長三尺一曰毛二曰貴以應足下

毛貴之祥皆小篆書

漢書皇甫謐孫舍長安尚冠里身足下有毛

臥居數有光耀以是自怪

一曰劔錄

隋侯劔

漢宣帝詢神爵元年爲隋侯劔立祠於未央宮中

刀劔錄

五色石劔

新室王莽僞位十八年以建國五年歲次

庚午造威斗及神劔皆鍊五色石爲之長三尺六寸銘曰神聖萬國伏小篆書一作神勝

萬里伏

刀劔錄

更國劔

劉更始聖公在位二年自造一劔銘曰更

國小篆書

刀劔錄

鄂水劔

東漢光武劉秀在位三十三年未貴時于

劍筴

卷五

守序

九

翠樓草堂

南陽鄂水中得一劒文曰秀霸小篆帝遂

服之

刀劒錄

安漢劒

東漢順帝寶在位十九年以永建元年鑄一劒長三尺四寸小篆書銘曰安漢後遂

爲年號

刀劒錄

洛水劒

東漢明帝莊在位十八年以元平元年戊

午鑄一劍上作龍形沉之于洛水洛水清
往往有人見

刀劍錄

伊水劍

東漢章帝桓在位十三年以建初八年鑄
一金劍投之伊水中以獸人膝之怪陶弘
景嘗按水經云伊水有一物如人膝頭有
爪人浴輒引之沒水

刀劍錄

峨嵋山劍

劍筌

卷五

十一

東漢安帝祐在位十九年以永初七年鑄

一劍藏峨嵋山

刀劍錄

劍名

東漢平帝衍在位五年以元始元年辛酉掘得一劍上有帝名因服之

刀劍錄

中興劍

東漢靈帝宏在位二十二年以建寧三年鑄四劍銘曰中興小篆書後一劍無故而

失

建寧一本作
建和二刀劍錄

匈奴千劍

後漢鄧遵破匈奴得劍七首二千枚

東觀

漢記

蜀八劍

蜀先生劉備章武元年辛丑采金牛山鑄
鑄八劍劍各長三尺六寸一備自佩一與
太子禪一與梁王理一與魯王永一與諸

葛亮一與關羽一與張飛一與趙雲並是

亮書作風肉處所

刀劍錄

漢按唐尚書郎李章武本名方古貞元
李年爲東平帥李師古判官因理第掘
得一劍上有章武字方古博物亞張茂
先曰此蜀相諸葛孔明所佩劍也乃改
名師古奏請爲章武焉
孟蜀主八劍之一也

大金劍

後主劉禪延熙二年造大金劍長一丈二
尺鎮劍口山徃徃人見輝光後人處處求

覓不得

刀劍錄

孟德劍

魏武帝操嘗于谷中得一劍有金字銘曰

孟德帝因服之

刀劍錄

蜚景劍

魏太子丕造百辟珪劍長四尺二寸重一

斤十有五兩淬以清漳礪之盤礪

青礪石也

飾

以文玉表以通犀光似流星名曰蜚景

刀劍錄

錄

魏文帝賦大牆上蓋何不恣意遨遊從
君所喜帶我珪劒今爾何爲自低仰悲
麗平壯觀白如積雪利若秋霜駭犀標
首玉琢中央帝王所服辟除凶殃御左
右奈何致福祥吳之辟閭越之步光楚
之龍泉韓有墨陽苗山之鋌羊頸之錐
知名前代咸自謂麗且美曾不如君劒

良綺難忘

魏三劔三七首

魏文帝旣造飛景劔又有流采華鋌

一作華鋒

二劔各長四尺二寸色似采虹又有三七

首一曰清剖色似堅氷二曰揚文曜似朝

日三曰龍鱗狀似龍文

刀劔錄

晉左思魏都賦劔則流彩之珍素質之

珪虹蔚波映龜文龍藻服之可以威百

劍策

卷五

三

下九三

蠻指麾可以開昏擾

吳六劍

吳大帝有珪劍六：一曰白虹，二曰紫電，三曰辟邪，四曰流星，五曰青冥，六曰百里劍。

武昌千劍

吳主孫權黃武五年采武昌山銅鑊作千口劍，萬口刀，各長三尺九寸，刀頭方，皆是。

南鐸越炭作之上有大吳篆字

鐸一作銅

刀劍錄

謹按吳冶城卽金陵朝天宮地相傳爲孫吳鑄劍之所

流光劍

吳孫亮建興二年鑄一劍銘曰流光小篆

書刀劍錄

皇帝劍

吳孫皓建初元年鑄一劍銘曰皇帝小篆

書刀劍錄

步光劍

晉懷帝熾永嘉元年造一劍長五尺銘曰

步光篆字

錄刀劍

侍臣劍

晉成帝衍以咸和元年四月乙丑詔作侍

臣劍八枚

錄刀劍

房山五劍

晉穆帝聃以永和五年於房山造五口劍

銘曰五方單父隸書

刀劍錄

神劍

司馬昌明太元十年於金華山頂埋一劍

銘曰神劍隸書

一作太元元年
刀劍錄

武昭王雌雄二劍

西涼武昭王李暠鑄二劍雄曰飲月雌曰

玉燕欲其陰陽相感故反名之

刀劍錄

龍雀劍

一作龍雀刀

劍筴

卷五

守府

十五

翠帳草堂

赫連勃勃自言朕方一統天下君臨萬邦
可以統萬爲名又造五兵之器精銳尤甚
旣成呈之工匠必有死者射甲不入即斬
弓人如其入也便斬鎧匠又造百鍊之鍔
爲龍雀大環號曰大夏龍雀銘其背曰古
之利器楚湛盧大夏龍雀名冠神都可
以懷遠可以柔遠如風靡艸威服九區班
其珍之凡絳工匠數千以是器物莫不精

麗其年下書曰朕之皇祖姓改妣氏音殊
中國故從母氏爲劉子而從母之姓非禮
也朕將以義易之帝王者係天爲子是爲
徽赫實與天連今改姓曰赫連氏庶協皇
天之意係天之尊不可令支庶同之其非
正統皆以缺伐爲氏庶服宗族子孫劉銳
如缺皆堪伐人

晉書
載記

赫連龍昇七年于奢延水之北黑水之南

遣將作大匠梁公叱于阿黎改築大城名
曰統萬城蒸土加功雉堞雖久崇墉若新
并造五兵器銳精利乃成百鍊爲龍雀大
鐸號曰大夏龍雀銘于背曰大夏龍雀名
冠神都可以懷遠可以柔通如風靡艸威
服九區並甚珍之

水經注

謹按宋王劉裕破長安得此後入于梁其後人有築青澗城掘地得古鐸刀製作極巧下爲大環以纏龍爲之而其首類鳥人識之曰此赫連勃勃所鑄所謂

大夏龍
雀者也

太常劔

明元帝以太常元年造一劔長四尺銘背

曰太常

刀劔錄

象閏劔

梁武帝蕭衍天監元年即位至普通中歲
在庚申命弘景造神劔十三口用金銀銅
鍍錫五色合爲之長短各依劔術法一曰

凝霜道家三洞九真劔上刻真人玉女名
字二曰宮儀備齊六宮有劔神名上刻宮
宿星辰皇后服之三曰摘光備非常御斬
刺長三尺六寸上刻風伯雨師形名四曰
九天出軍行師君執授將長五尺金鏤作
蚩尤神形五曰代形上刻符籙道家登真
圖口訣六甲神長五尺六曰四目寘宮闈
茵被臥正小室幄帳中長三尺五寸七曰

威靈光長二尺許半上刻星厖北斗天
帝天魁二十八宿服此除百邪癘昧師行
用之八曰風鳥有惡鳥鳴起鎮之上有黃
帝呪法禹步形勢用之九曰司命行刑煞
罰者執之賜萬姓自裁者十曰禮劒生男
子弧矢殼劒則用之十一曰闕十二曰永
昌鎮國安社用之長七尺十三曰閏劒長
六尺所以作十三口象閏月故也取上元

甲子肯加斗斛加歲正月旦合合之取風
雷雨電日上環偏長八寸文曰服之者永
治四方並小篆書

一作天監二年歲在庚子

刀劍錄

玉筍劍

梁天監五年四月丙申廬陵太守王希聘
于高昌縣之仁山獲銅瑞劍二口以聞曰
薄伐凶醜而龍淵耀質匈奴將滅白旗表
徵

玉笥山地土肥美宜穀辟兵又天監起居

注云廬陵太守王希聘於玉笥山之龍淵

獲劒二口

福地記

姚江劒

梁天監七年會稽太守衡陽王元簡上言
餘姚縣掘地得劒二口又於縣東江水中
得劒一口文綬若雌雄

梁書

嵩阿二劒

劍筴

卷五

守府

九

翠嶺草堂

後魏道武帝珪以登國元年于嵩阿鑄二
劒一銘曰鎮山一銘曰沉水並隸書

一本無沉

木劒

刀劒錄

道士造劒

後魏太武帝至真君元年有道士繼天師
自爲帝造劒因改元爲真君劒長六尺六

寸隸書

刀劒錄

玫瑰劒

魏太武皇帝和平二年詔中尚坊作黃金
各盤鏤以白銀劔以玫瑰

後魏書

法劔

法劔一口玉靶上兩面皆有篆字二行
十餘字劔長四尺許兩面皆細紫金作法
篆其一面畧記有月
月內有口
鬼春夏秋冬其下三台北斗其一面字不
能辨最下作雲電三字劔兩面俱有鋒鏌

無缺蝕蓋自漢到今千七百年累代所持
以立教者止此二物耳

雲烟過
眼錄

進武庫劔

李商隱負外依彭陽令狐楚以賤奏受知
相國危疾有珪劔嘗爲君上所賜將進之
命李起艸不愜其旨因口占云前件武庫
神兵先皇特賜旣不合將歸泉下又不宜
留在人間時人服其簡當

北夢
瑣言

卷終

劍筌第六

寵昭篇

凡五十三事

凡一百四十二條

吳賜叔孫劍

漢賜蕭何劍

漢賜衛綰劍

漢賜廣陵王劍

漢賜應奉劍

漢賜馮異玉具劍

漢賜彭寵劔

漢賜祭彤劔

漢賜虞延劔

漢賜鄧衍劔

漢賜桓榮劔

漢賞魏應劔

賜劔於陵前

署劔賜尚書

漢賜召訓劔

漢賜馮石駭犀劔

漢賜謝夷吾劔

漢賜江漢劔

漢賜刁雍劔

銀表劔

漢賜張禹劔

漢賜梁冀劔

漢賜董卓劍

三國賜劍

韓信劍賜周瑜

晉劍上殿

晉給斑劍

晉賜羅憲山玄玉劍

晉贈賈充御劍

上先侯賜劍

晉南陽王委劔

晉錫會稽王珪劔

晉錫何攀珪劔

北魏錫劔

趙賜姚弋仲劔

宋給珪劔

宋謝莊答劔

宋賜殷貴妃墓劔

賜太宗珠劍

齊給斑劍女

梁給斑劍

謝賜方諸劍

謝賜孟嘗君劍

陳給斑劍

周賜隋王劍履

隋給斑劍

隋詔唐王劔履

遺牛元翼珪劔

賜劉濟劔

贈李光顏劔

遺孫得昭龍鳳劔

賜吳越王劔

賞陳崇劔

劔策第六

聖賢金布言譚輯 武林黃汝亨訂 明倫彙編家範典

寵昭籍

明王之制賞從重然至重而天下變矣紀賜劔惡其濫也

策曰爵賞賜予民之所好也故君自行之然而懼及淫人矣劔雖錫典之常不愛頻笑曷勸乎詳觀前古莫不就其守器自非勞臣誼士勲烈竝著無繇濫觴鹿盧之榮降及暴嬴吏民帶劔未幾獻

圖起釁陞戟防嚴謁者皆持匕首待不
虞矣炎劉偃武修文始制手板代劔然
而功隆鄴侯煽風涼法自是魏晉而後
劔上殿給班劔史不絕書遂使僭擅狂
逆之徒怙恩澤逞驕放罔惜敗度惟思
覬覦卒也地緣勢偃物繇運改朝伊周
而夕莽卓者何可勝數豈陵夷積漸之
過歟詩曰我有嘉賓中心貺之笑爾昭

吳賜叔孫劔

哀公十一年五月甲戌戰于艾陵展如敗

高子

齊上軍敗

國子敗胥門巢

吳上軍亦敗

王卒助

之大敗齊師獲國書公孫夏閭丘明陳書

東郭書革車八百乘甲首三千以獻於公

公以兵從故以勞公

將戰吳子呼叔孫

叔孫武叔州仇

曰而

事何也

問何職

對曰從司馬

從吳司馬所命

王賜之

甲劔鉞曰奉爾君事敬無廢命叔孫未能

對衛賜進

賜子貢孔子弟子也

曰州仇奉甲從君而

拜

拜受也

公使太史固歸國子之元

歸于齊也元首

也吳以獻魯

寘之新篋褻之以玄纁

褻薦也褻音尉

加

組帶焉寘書于其上曰天若不識不衷何

以使下國

言天識不善故殺國子

左傳

漢賜蕭何劔

漢五年旣殺項羽定天下論功行封群臣爭功歲餘功不決高祖以蕭何功最盛封

爲鄭侯

先封何者謂諸功臣舊未爵者何最在前封也

所食邑多

列侯畢已受封及奏位次皆曰平陽侯曹

參身被七十創攻城畧地功最多宜第一

上已視功臣多封蕭何

也

至位次未有

以復難之然上心欲何第一關內侯鄂君

進曰陛下數亡山東蕭何常全關中以待

陛下此萬班之功也今雖亡曹參等百數

何缺於漢奈何欲以一旦之功而加萬班

蕭何第一曹參次之高祖曰善於

是乃令蕭何賜帶劔履上殿入朝不趨

史記

漢書
相同

漢賜衛綰劔

景帝立歲餘不孰何衛綰

借言不綰日以

景帝幸上林詔中郎將參乘

而問曰君知所以得驂乘乎綰曰臣代

獄車幸得功次遷待罪中郎將不知也

上問曰吾爲太子時召君君不肯來何也
對曰死罪實病上賜之劔綰曰先帝賜臣
劔凡六不敢奉詔上曰劔人之所施易獨
至今乎施讀曰移言劔者人所好故多數移易實換之也綰曰具
在上使取六劔劔尚盛未常服盛謂在削室之中

漢書史記相同

漢賜廣陵王劔

漢孝昭帝元鳳五年春正月廣陵王來朝

益國萬一千戶賜錢二千萬黃金二百斤

劍二安車一乘馬二駟

二駟八匹也漢書

廣陵厲王胥賜策曰嗚呼小子胥受茲赤

社建爾國家封于南土世世爲漢藩輔古

人有言曰大江之南五湖之間其人輕心

揚州保強

保侍也

三代要服不及以正

要服次荒

服之內者也

嗚呼悉爾心祇祇兢兢迺惠迺順

言當慈惠于下忠順于上也

毋桐好逸毋邇宵人

桐音通輕

脫之貌也

惟法惟則書云臣不作福不作威靡

有後羞王其戒之胥壯大好倡樂逸游力

扛鼎

扛舉也

空手搏熊羆猛獸動作無法度

故終不得爲漢嗣元鳳中入朝益封萬戶

賜錢二千萬黃金二千斤安車駟馬珪劔

漢書

漢賜應奉劔

延熹中詔應奉曰蠻夷叛逆作難積惡放

恣鑊中之魚火熾湯盡當急焦爛以雪國
耻朝廷以奉昔守南土威名播越故復式
序重任奉之廢興期在于今賜俸錢十萬
駭犀玉具劒金錯把刀劒各一奉其勉之

後漢書

唐李白詩龍劒挂壁時時龍鳴不斷犀
象綉澁苔生國耻未雪何由成名

漢賜馮異玉具劒

後漢書作具劒東觀漢記作玉具劒

光武遣馮異伐鄧禹西擊赤眉車駕送之
河南賜以乘輿七尺玉具劔敕異曰三輔
遭王莽更始之亂重以赤眉延岑之酷元
元塗炭無所依訴今之征伐非必略地屠
城要在平定安集之耳異頓首受命引而

西

東觀漢記

潘岳西征賦當光武之蒙塵致王誅於
赤眉異奉辭以伐皐初垂翅于迴谿不

尤眚以掩德終奮翼而高揮建佐命之
元勛振皇綱而更維

漢賜彭寵劔

光武至薊彭寵上謁心懷不平光武以問
諸將諸將對曰前吳漢發兵時大王遺寵
以所服劔又倚以爲北道主人寵謂至當
迎閣握手交歡並坐今旣不然所以失望

漢賜祭彤劔

祭彤字次孫建武中拜遼東太守彤有膂力能貫三百斤弓虜每犯塞數破走之後徵爲太僕彤在遼東三十年衣無兼副顯宗旣加其功又美彤績入拜日賜刀劔錢馬衣被常歎息以爲可屬重任

後漢書

漢賜虞延劔

建武二十年賜虞延錢及劔

後漢書

虞延字子太陳晉人爲都郵世祖聞而奇之二十年東巡路過小黃高帝母召陵後園陵在焉時延爲郡督郵詔呼問園陵之事延進止從容跪拜可觀其陵封株柏皆諳其數俎豆犧牲頗曉其禮帝善之勅延從駕西盡郡界賜錢及劔帶珮刀還郡

東觀

漢記

漢賜鄧衍劔

鄧衍永平初賜與馬衣服劔佩刀

後漢書

漢賜桓郁劔

桓郁永平十五年入授太子經皇太子賜

郁鞍馬刀劔

後漢書

漢賜桓榮劔

永平初明帝自爲太子受尚書于桓榮及
即帝位猶存榮以師禮嘗幸太常府令榮
坐東面設几杖會百官及榮門生數百人

上親自執業諸生或避位發難上譙曰太
師在是旣罷悉以太官供具賜太常家榮
每疾病帝輒遣使者存問太官太醫相望
于道及篤上疏謝恩讓還爵士帝幸其家
問起居入街下車擁經而前撫榮垂涕賜
以床茵帷帳刀劒衣被良久乃去

後漢書

漢賞魏應劭

魏應字尹伯任城人明魯詩章帝重之數

進見論難于前帝賞以良劔

後漢書

賜劔於陵前

元和三年章帝幸東平祀憲王賜御劔于

陵前

後漢書

無鹽縣之故城南舊宿國也齊宣后之故
邑所謂無鹽醜女也漢武帝元朔四年封
城陽恭王子劉慶爲東平侯即此邑也王
莽更名之曰有鹽亭東平憲王倉家碑闕

劍筵

卷六

龍鼎

九

翠帳堂

存焉元和三年章帝幸東平祀以太牢親
拜祠坐賜御劔于陵前

水經注

署劔賜尚書

後漢尚書韓稜郅壽陳寵三人俱以才能
屬望肅宗賜以珥劔署其名曰韓稜楚龍
泉郅壽蜀漢文陳寵濟南稚成時論者爲
之說以稜深沈有謀故得龍泉

龍泉宮西平界其水

可謂濟劍特堅
刊故劍名取此

壽明達有文章故得漢文

寵敦朴善不外見故得推成

後漢書

唐王綬手署三劔賜名臣賦
蛟函盡啓
决雲之狀盈眸采筆初題垂露之文在
掌豈不以良佐斯得深謀可嘉或染翰
而紀其敦朴或揮毫而誌以文華彼錫
彤旅我乃頒其秋水彼銘鐘鼎我乃縷
以蓮花故光生環珮榮尉簪裾見魚水
相逢之際是雲龍契會之初數比夢刀

各獲君前之賜功齊神筆長吞天上之書

漢賜召訓劔

召訓字伯春爲陳留太守肅宗以君性多弘恕追詔勉勵之曰陳留太守講授省中六年于茲經術明篤有匡生解頤之風賜錢一十萬及刀劔衣服居家之用

召氏家傳

漢賜馮石駭犀劔

馮石襲母公主封獲加侯亦爲侍中稍遷
衛尉能取悅當代爲安帝所寵帝幸其府
留飲十許日賜駭犀具劔佩刀以班犀飾劔也紫
艾綬艾即盤綠色也其色似艾玉珎一枚半環曰珎飾帶也後漢書

漢賜謝夷吾劔

謝夷吾字堯卿山陰人也爲荊州刺史行
部到南魯縣遇孝章皇帝巡狩幸魯陽上

未嘗見刺史斑秩有詔勅夷吾入傳錄見
囚延見長吏勿廢舊儀上止西廂南面夷
吾處東分推錄囚徒所決正一縣三百餘
事與上合特遷鉅鹿太守臨發陛見賜車
馬帶劔勅之曰鉅鹿劇郡舊爲難治以君
有撥煩之才故特授任無毀前勞

虞預
會稽典

漢賜江漢劔

江漢字子甫遷丹陽太守是時大江劇賊
余來等劫擊牛渚丹水諸縣居民歐略良
善經歲爲害漢到郡會集勁士修整戰具
鉤鑲刀盾大戰長矛弓弩勁兵轉送承接
余來亟戰失利遂見梟獲順帝嘉其功賜
以劔佩

東觀漢記

漢錫刁雍劔

刁雍拜特進皇興隴中雍與隴西王源賀

金匱 卷六 三
及中書監高克等並以耆年特見優禮錫
雍几杖劔履上殿日致珍羞焉

後魏書

銀褰劔

畢衆敬賜爵東平公太和中高祖賓禮舊
老接鄰談欵有若平生後以篤老乞還桑
梓朝廷許之衆敬臨還獻珍珠璫四且銀
褰劔一口刺虎矛一枚僊人文綾一百匹

後魏書

漢賜張禹劔

延平元年張禹爲太傅錄尚書事鄧太后
詔禹舍宮中給帷帳牀褥大官朝夕進食
五日一歸府朝見與三公絕席及安帝即
位詔遣小黃門問疾賜牛一頭酒十斛勸
令就第其錢布刀劔衣物前後累至

後漢書

漢賜梁冀劔

元嘉元年桓帝以梁冀有援立之功欲崇

殊典于是有司奏冀入朝不趨劔履上殿
謁薆不名禮儀比蕭何悉以定陶陽城餘
戶增封爲四縣比鄧禹賞賜金錢奴婢綵
帛車馬衣服甲第比霍光

後漢書

漢賜董卓劔

董卓立陳留王爲獻帝遷太尉領前將軍
事加節傳斧鉞虎賁更封郿侯尋進相國
入朝不趨劔履上殿封母爲池陽君

後漢書

三國賜劔

已下並出三國志凡五條

興平十七年魏太祖還鄴爲魏公贊拜不名劔履上殿入朝不趨如漢蕭何故事

魏正元元年十月假大將軍司馬師黃鉞入朝不趨奏事不名劔履上殿

魏黃初四年大將軍曹真朝洛陽遷大司馬賜劔履上殿入朝不趨贊拜不名

魏正始元年加大將軍曹爽侍中改封武

安侯賜劔履上殿入朝不趨贊拜不名
與平中董卓自進爲相國入朝不趨贊拜
不名劔履上殿

韓信劔賜周瑜

吳孫權赤烏中有人得韓信劔帝賜周瑜
吳錄

晉劔上殿

已下並出晉書
帝紀凡十一條

宣皇帝諱懿字仲達河內溫縣孝敬里人

姓司馬氏魏齊王即位徙帝爲大司馬朝
議以爲前後大司馬累薨於位乃以帝爲
太傅入殿不趨贊拜不名劒履上殿如漢
蕭何故事

文皇帝諱昭字子上景帝之母弟也魏侯
高貴鄉公之立也以參定策進封高都侯
景帝崩天子命帝鎮許昌帝至洛陽進位
大將軍加侍中都督中外諸軍錄尚書事

輔政劔履上殿

簡文皇帝諱昱字道萬元帝少子也太和元年進位丞相錄尚書事入朝不趨贊拜不名劔履上殿給羽葆鼓吹劔六十人

何曾字穎考陳國陽夏人也泰始初詔進太宰侍中如故朝會劔履乘輿上殿如漢相國蕭何田千秋魏太傅鍾繇故事

衛瓘字伯玉河東安邑人也太康中以瓘

錄尚書事加綠緌綬劔履上殿入朝不趨
給騎司馬

宣帝九男平原王幹字子良少以公子魏
時封安陽亭侯惠帝即位進左光祿大夫
侍中如故劔履上殿入朝不趨

汝南文成王亮字子翼宣帝第四子也咸
寧中詔亮爲太宰錄尚書事入朝不趨劔
履上殿增掾屬十人給千兵百騎

武陵威王晞字道叔穆帝即位轉鎮軍大將軍遷太宰太和初加羽葆鼓吹入朝不趨贊拜不名劔履上殿

陶侃字士行本鄱陽人也移鎮武昌破新野遂平襄陽拜大將軍劔履上殿入朝不趨贊拜不名

成都王穎字章度武帝第十六子也太康末進位大將軍都督中外諸軍事假節加

黃鉞錄尚書事入朝不趨劔履上殿
王敦謀篡位諷朝廷徵已帝手詔徵之加
王敦黃鉞珥劔奏事不名入朝不趨劔履
上殿

晉給班劔

已下並出晉書
列傳凡七條

荀組字大章大興初自許昌率其屬數百
人渡江給千兵百騎組先所領仍皆統攝
頃之詔組與太保西陽主叢並錄尚書事

各加斑劍六十人

汝南文成王羨字延年太康末封西陽縣公拜散騎常侍元帝踐阼進位侍中太保以羨屬尊元會特爲設床太興初錄尚書事加羽葆斧鉞斑劍六十人

王導字茂弘光祿大夫覽之孫也咸和五年薨葬給九旌輜輶車黃屋左纛前後羽葆鼓吹武賁班劍百人

忠敬王遵字茂遠初襲封新寧會義旗興
復還國第朝廷稱受密詔使遵摠攝萬機
加侍中大將軍移入東宮內外畢敬遷轉
百官稱制書又教稱令書安帝反正更拜
太保加斑劔二十人

琅邪王道子世子元顯領徐州刺史加侍
中後將軍開府儀同三司都督十六州諸
軍事道子尋拜侍中太傅置左右長史司

馬從事中郎四人崇異之儀備盡盛典其
驃騎將軍僚佐文武即配太傅府加元顯
侍中驃騎大將軍開府征討大都督十八
州諸軍事儀同三司加黃鉞班劍二十人
以伐桓玄

桓玄字敬道一名靈寶大司馬溫之孽子
也殷仲堪等共相結約推爲盟主玄始得
志至新亭矯詔加已摠百揆侍中都督中

外諸軍事丞相錄尚書事揚州牧領徐州
刺史又加假黃鉞羽葆鼓吹斑劔二十人
大赦改元爲大亨玄讓丞相自署太尉領
平西將軍豫州刺史又加袞冕之服綠綬
綬增斑劔六十人劔履上殿初出僞詔改
元爲建始又改爲永始封王謚爲武昌郡
公斑劔二十人

桓玄將爲篡亂以下範之爲丹陽尹範之

與殷仲文陰撰策命進範之爲征虜將軍
散騎常侍玄僭位以範之爲侍中給斑劔
二十人

晉賜羅憲山玄玉劔

晉泰始初武陵太守羅憲入朝詔曰憲忠
烈果毅有才策器幹可給鼓吹又賜山玄

玉珮劔

晉書

晉贈賈充御劔

晉太康三年四月賈充薨追贈太宰加袞冕之服綠綬綬御劔

晉書

上先侯賜劔

朝廷都許時張華上先人刀劔楯物及大銅盆殿上四角鼎皆先侯所賜得也

博物志

晉南陽王委劔

張軌永嘉元年春正月東羌校尉韓稚殺秦州刺史張輔軌遣中督護汜瑗帥衆二

萬討稚先遺稚書稚乃詣軍門聞進太府
主簿令狐亞聘南陽王司馬模模甚悅遺
軌以帝所賜劔謂軌曰自隴以西征伐斷
割悉以相委如此劔矣

晉書前
涼錄

晉錫會稽王珪劔

泰和元年詔會稽王體道冲虛理識明大
朕承洪緒仍聞善誘慎徽五教儀刑具瞻
其以爲丞相錄尚書入朝不趨贊拜不名

劍履上殿給羽葆鼓吹斑劍六十人

晉中興書

晉錫何攀珪劍

蜀郡何攀領熊渠兵一戰斬張駿社稷用
安封西城公邑萬戶領河南尹還揚州刺
史徵拜大司農兼三州都護職不聽遷充
州刺史錫珪劍赤舄固辭不之官

華陽國志

北魏錫劍

已下並出魏書列傳凡二十一條

北魏正光元年以太師高陽王雍爲丞相

劍筴

卷六

寵賜

二十

聖德草堂

加羽葆鼓吹班劍四十人

北魏前廢帝既失位殂于門下外省加以九旒鑾輅黃屋左纛班劍百二十人

北魏孝靜皇帝天平二年詔以齊獻武王爲相國假黃鉞劍履上殿

北魏武定七年詔以齊文襄王爲相國假黃鉞劍履上殿

安定王休薨謚靜王詔假黃鉞加羽葆鼓

吹扇賁斑劔六十三人

廣陵王羽薨贈司徒給羽葆鼓吹斑劔四十人

高陽王雍太和九年封潁川王進位丞相給羽葆鼓吹倍加劔履

皇興中刁雍與隴西王源賀高允等並以耆年特見優禮錫雍几杖劔履上殿

太原王慧龍授南蠻校尉安南大將軍左

長史後劉義隆將王玄謨歿滑臺詔假慧龍楚兵將軍討之慧龍設奇兵大破之世祖賜以劔馬錢帛授龍驤將軍賜爵長社侯

李韶爲冀州刺史績冠當時肅宗嘉之遷車騎大將軍賜劔佩貂蟬騁騮馬一匹常山王孫暉神龜元年卒賜東園祕器贈司空公謚曰文憲給羽葆斑劔鼓吹二十

人

尉元字苟仁代人也進位司徒爵封山陽郡開國公賜斑劍二十人

彭城王子劭遇害贈假黃鉞侍中都督中外諸軍事給虎賁斑劍一百人

穆紹字永業尚琅玕長公主拜駙馬都尉散騎常侍車駕入宮尋授尚書令司空公進爵爲王給斑劍四十人薨葬以殊禮給

羽葆鼓吹假黃鉞斑劍四十人

東魏進大將軍渤海王澄位相國封齊王
加殊禮時令澄薨拜不名入朝不趨劔履
上殿

于忠嘗侍宴世宗賜之劔服令出入周旋
恒以自衛廷侍忠辭無文世宗曰今文人
小心直不如卿欲使卿劬勞於下我無憂
於上

爾朱榮字天珪北秀容人也其先居于爾
朱川因爲氏焉榮身雖居外遙制朝廷入
謁莊帝帝伏兵于明光殿東廊引入坐定
遂手刃之詔追號爲晉王加九錫給九旒
轡輅虎賁斑劍三百人

胡國珍字世玉安定臨涇人也泰和十五
年襲爵例降爲伯女以選入掖庭生肅宗
即靈太后也肅宗踐祚以國珍爲光祿大

夫靈太后臨朝加侍中封安定郡公神龜
元年四月十二日薨追崇假黃鉞使持節
侍中相國都督中外諸軍事太師領太尉
公司州牧號太上秦公加九錫葬以殊禮
給九旒轡輅虎賁班劍百人

島夷劉裕字德輿晉陵丹徒人也其先不
知所出自云彭城人或云本姓□改爲劉
氏然亦莫可尋也荊州刺史司馬休之頗

得衆心裕內懷忌憚神麇二年率衆討之
遣龍驤將軍蒯恩等爲前軍裕進領荊州
刺史加黃鉞雍州刺史魯宗之率其子軌
會休之于江陵軌等軍敗乃與休之俱奔
襄陽裕自領南蠻校尉休之等奔姚興裕
爲太傅揚州牧劔履上殿入朝不趨贊拜
不名

島夷桓玄字敬道本譙國龍亢楚也僭晉

大司馬溫之子襲封南郡公登國中爲侍
中都督中外諸軍丞相錄尚書事揚州牧
領徐州刺史持節荆江二州公如故假黃
鉞羽葆鼓吹斑劍二十人德宗大赦改年
爲大亨乃改授太尉都督中外揚州牧領
平西將軍豫州刺史綠綬綬加袞冕之服
劍履之禮入朝不趨贊拜不名增斑劍六
十人

島夷蕭道成字紹伯晉陵武進楚也僭晉
時以武進之東城爲蘭陵郡縣遂爲蘭陵
人太和元年道成移鎮東城以甲仗五十
人入殿進位侍中司空錄尚書事驃騎大
將軍持節都督刺史加故封竟陵郡公五
千戶給斑劍三十人道成又爲太尉增封
三千戶斑劍四十人道成將有大志王儉
諷動在位乃加道成黃鉞都督中外諸軍

事太傅領揚州牧劔履上殿入朝不趨贊
拜不名道成詐辭殊禮重申前命劔履上
殿入朝不趨贊拜不名進位相國備九錫
之禮

蕭鸞立其弟昭文自爲使持節都督揚南
徐二州驃騎大將軍開府錄尚書事揚州
刺史加班劔三十人封宣城郡公以兵五
千人出鎮東城加黃鉞進授都督中外諸

軍事太傅領大將軍揚州牧增班劍四十人前後部羽葆鼓吹劍履上殿入朝不趨贊拜不名

趙賜姚弋仲劍

趙王廂即皇帝位高力督定陽梁犢謀作亂東歸自稱晉征東大將軍率衆攻陷郡縣殺長吏二千石長驅而東北至長安衆已十萬廂以大將軍姚弋仲討之弋仲將

其衆八千餘人至鄴弋仲曰汝看老羌堪
破賊否乃被甲跨馬于庭中因策馬南馳
不辭而出遂與斌等擊犢于滎陽大破之
斬犢首而還討其餘黨盡滅之庾命弋仲
劔履上殿入朝不趨進封西平郡公

前趙

宋給斑劔

已下並出朱書本紀
列傳凡二十一條

義熙七年正月振旅于京師改授大將軍
揚州牧給斑劔二十人八年十一月進公

太傅揚州牧加羽葆鼓吹斑劍二十人九年九月天子重申前命授公太傅揚州牧加羽葆鼓吹斑劍二十人十一年四月天子重申前命授太傅揚州牧劍履上殿十二年五月又加公北雍刺史前後部羽葆鼓吹增斑劍四十人

武帝

景和元年十一月進山陰公主爵會稽郡長公主給鼓吹加斑劍二十人

明帝

元徽二年進號車騎將軍都督揚南徐二
州諸軍事給鼓吹一部四年進號驃騎大
將軍開府儀同三司斑劍三十人

順帝

昇明二年九月加太尉齊王黃鉞都督中
外諸軍事太傅領揚州牧劍履上殿

王弘爲侍中司徒揚州刺史錄尚書給斑
劍三十人義熙九年進位太保薨贈太保
中書監給節加羽葆鼓吹增斑劍十六人

徐羨之遷尚書令揚州刺史散騎常侍進
位司空錄尚書事高祖不豫加斑劔三十
人

義熙二年傅亮轉尚書僕射明年高祖不
豫與徐羨之謝晦並受顧命給斑劔二十
人

檀道濟以佐命功改封永修縣公徙爲丹
陽尹高祖不豫給斑劔二十人

謝晦以佐命功封武昌縣公尋轉領軍將軍散騎常侍高祖不豫給班劍二十人長沙景王道憐夢追贈太傅前後部羽葆鼓吹虎賁班劍百人

臨川烈武王道規薨追贈侍中司徒加班劍二十人太祖詔加殊禮前後部羽葆鼓吹班劍二十人及長沙太妃檀氏臨川太妃曹氏薨皆給班劍百人

太宗崩蔡興宗被顧命開府儀同三司荆
州刺史給斑劔二十人

江夏文獻王義恭爲司徒錄尚書領太子
太傅給斑劔二十人世祖即祚授使持節
太尉錄尚書事給鼓吹一部斑劔二十人
又假黃鉞進位太傅領大司馬增斑劔爲
三十人孝建二年冬徵爲揚州刺史入朝
不趨賀拜不名劔履上殿廢帝即位又增

劍筭

卷六

无

義恭斑劍爲四十人永光元年薨追崇使持節侍中都督錄尚書事給九旒鸞輅虎賁斑劍百人

彭城王義康元嘉三年授都督荆湘雍梁益南北秦八州諸軍事荊州刺史給斑劍三十人九年太妃薨解侍中辭斑劍十二年又領太子太傅加斑劍

南郡王義宣以世祖即位加中書監都督

揚豫二州刺史羽葆鼓吹給斑四十人
建平宣蘭王宏大明三年疾動求解尚書
令以本號開府儀同三司其年夢追贈侍
中司徒給斑劍二十人

始安王休仁太宗朝都督揚南徐二州事
加斑劍二十人諸方逆命休仁都督征討
諸軍事增斑劍三十人又加漆輪車劍履
晉平刺王休祐泰始七年夢追贈司空持

後漢書卷六
節侍中給班劔二十人

巴陵哀王休若泰始七年七月薨贈侍中
司空持節都督刺史給班劔二十人
沈攸之元徽三年順帝即位進號車騎大
將軍開府儀同三司加班劔二十人

柳元景大明二年加開府儀同三司固讓
明年遷尚書令太子詹事六年世祖晏駕
受遺詔輔幼主遷尚書令給班劔二十人

劉延孫大明五年詔徵爲侍中尚書左僕射領護軍將軍明年卒贈司徒給斑劔二十人

竟陵王誕元嘉二十六年徵爲持節都督荆湘南北秦八州諸軍事誕以位號正與濬同惡之請求回改乃進號驃騎將軍加斑劔二十人

海陵王休茂泰始六年太宗遺詔進位司

空改常侍爲侍中加斑劔三十人

袁粲景和七年受顧命加斑劔二十人

始興王濬殺義恭諸子封鍾山郡王世祖

加領太子太傅南徐州刺史給斑劔二十

人

宋謝莊答劔

宋世祖賜謝莊珪劔莊以與豫州刺史魯
爽別後爽反叛世祖因宴集問劔所在荅

曰晉與魯夾別竊爲陛下杜郵之賜上甚
悅當時以爲知言

劉義慶
世說

宋賜殷貴妃葬劍

殷淑儀南郡王義宣女也麗色巧笑義宣
敗後帝密取之寵冠後宮假姓殷氏左右
宣泄者多死故當時莫知所出及夢帝常
思見之遂爲通替棺欲見輒引替覩尸如
此積日形色不異追贈貴妃謚曰宣及葬

給輜涼車虎賁斑劍於是擬李夫人賦以
寄意焉謝莊作哀策文奏之都下傳寫紙
墨爲之貴

宋書

賜太宗珠劍

南宋太宗爲徐州刺史時昭太后賜以火

珠鹿盧劍

宋書

齊給斑劍

已下並出南齊書本紀列傳凡十二條

昇明二年進爵爲公持節都督給斑劍二

十人齊國建爲齊公世子改加侍中南豫
州刺史增班劔爲四十人

齊鬱林王昭業冠于東宮崇政殿其日小
會有司奏給班劔二十人鼓吹一部

豫章文獻王疑世祖即位進位太尉增班
劔爲三十人及夢世祖給九旒鸞輅黃屋
左纛虎賁班劔百人

褚淵字彥回齊太祖受命其年淵加尚書

金多
令侍中給斑劍三十人

柳世隆少立功名以疾遜位改授侍中衛將軍不拜轉左光祿大夫九年卒贈司空斑劍三十人鼓吹一部

武陵昭王口鬱林旣立甚見憑賴隆昌元年夢賜東園秘器朝服贈司空錄尚書增班劍爲六十人

琅瑯王儉齊太祖時爲太子詹事世祖即

位給斑劔二十人及夢追贈太尉侍中中書監給節斑劔二十人

蘭陵蕭穎胄輔□帝出居上流有安重之勢贈侍中丞相前後部羽葆鼓吹斑劔三十人

竟陵王子良正位司徒給斑劔二十人進位太傅增斑劔爲三十人隆昌元年加殊禮劔履上殿尋薨歛以袞冕之服給虎賁

劍策

卷六

宗廟

三

三

班劍百人

徐孝嗣以廢立功封枝江縣侯明帝即位
進爵爲公給班劍二十人

始安王遙光一歲之內五除不拜永泰元
年爲大將軍加侍中中書令永元元年給
班劍二十人

齊和帝中興二年進大司馬蕭衍都督中
外諸軍事劍履上殿贊拜不名

梁給斑劔

已下並出梁書
列傳凡十一條

梁太清四年加司空陳霸先斑劔三十人
太平二年加丞相黃鉞領太傅劔履上殿
太原王茂薨梁高祖甚悼惜之贈侍中太
尉加斑劔二十人鼓吹一部

梁臨川靜惠王普通二年領起部尚書事
七年薨贈侍中大將軍揚州牧假黃鉞增
斑劔爲六十人

南平元襄王偉封南平郡王領太子太傅
大通五年薨贈侍中太宰給斑劔四十人
鄱陽忠烈王恢普通五年進號驃騎大將
軍七年薨于州贈侍中司徒給斑劔二十
人

始興忠武王憺封始興郡王天監十四年
將之雍州薨于道追贈侍中司徒驃騎將
軍給斑劔三十人

長沙王懿遂遇禍天監元年追崇丞相封
長沙郡王謚曰宣武給武賁斑劍百人
湘東王即位于江陵承聖三年十二月晉
安王至自尋陽入居朝堂給陳高祖斑劍
二十人太平二年天子朝萬國於太極東
堂加高祖斑劍十人進位太傅加黃鉞劍
履上殿

逆敎悉平京都剋世祖即位以王僧辨功

劍策

卷六

龍胎

三

二、十五

進授鎮衛將軍司徒加斑劔二十人

光大二年安成王□進位太傅領司徒加殊禮劔履

陳高宗宣帝梁永定三年封安成王廢帝即位拜司徒進號驃騎大將軍錄尚書給斑劔三十人光大二年進位太傅領司徒加殊禮劔履

賜楚王劔

楚馬希範襲殷官爵封楚王清太二年賜
以弓矢冠劍

梁書

謝賜方諸劍

梁簡文謝賜方諸劍啟曰才發玉函雕奇
溢目始開牙檢麗飾交陳已匹丹霞之輝

比青雲之制

梁簡文集

謝賜孟嘗君劍

沈約爲東宮官謝勅賜孟嘗君劍啟曰田

文重氣徇名四豪莫及珪劔雄身故能威
陵秦楚人高事遠遺物足奇謹加玩服以
深存古

梁沈約集

陳給珪劔

已下並出陳書
列傳凡四條

陳章昭達夢贈大將軍給珪劔二十人
衡陽獻王昌封衡陽郡王加給阜輪三望
車後部鼓吹一部珪劔二十人以溺薨贈
侍中假黃鉞武賁珪劔百人

鄱陽王伯山禎明二年起爲鎮衛大將軍
開府儀同三司給斑劔十人

豫章王叔英太建四年進號驃騎大將軍
禎明元年給鼓吹一部斑劔十人

周賜隋王劔履

大定元年大丞相隋王楊堅爲相國總百
揆封二十郡劔履上殿備九錫之禮

周書

隋給斑劔

已下並出隋書
列傳凡九條

趙僭王招字豆盧突隋文帝輔政加殊禮
入朝不趨劔履上殿

劉昶字休道封齊郡開國公加宋王之璠
朝於京師高祖給斑劔二十人

田興祖太和末亦來歸附景明中授征虜
將軍江州刺史詔賜朝服劔舄一具

郭祚及續文章見稱於世世祖末年每引
入東宮特賜劔杖

弘農楊素卒官謚曰景武贈光祿大夫太尉公給斑劔四十人

洛陽賀若弼加位上柱國進爵宋國公加以珪劔珪帶金甕金盤雉尾扇曲蓋襍彩女樂二部

宇文述薨贈司徒尚書令十郡太守斑劔四十人

弘農楊善會大業中爲鄆令以清正聞帝

劍多
賜以尚方珪劍

隋詔唐王劔履

隋恭帝詔唐王劔履上殿贊拜不名

隋書

遺牛元翼珪劍

長慶中都知兵馬使王庭湊潛謀作亂夜
結牙兵譟于府署殺田弘正王進峩等分
兵據冀州魏博節度使李愬以珪劍玉帶
遺深州刺史牛元翼曰昔吾先人以此劍

立大勲吾又以是平蔡州今以授公勞翦
庭湊元翼以劒帶徇于軍曰敢有不承而
愛其死力

唐書

賜劉濟劒

權德輿撰劉濟墓志銘天子賜以珪劒金
甲彤弓盧矢

唐書

贈李光顏劒

李光顏嘗從河東軍爲裨將節度使馬燧

解所佩劔贈之

唐書

遺孫得昭龍鳳劔

五代孫得昭梁太祖頗德其附已以龍鳳

劔鬪雞綾遺之

五代史

賜吳越王劔

後唐莊宗入洛遣使持節賜吳越國王金
印玉冊及衣冠劔珮等顧羣臣曰朕從贊
堂即聞尚父之名宜以優禮尊之不當待

以人臣也王嘗親巡衣錦軍製還鄉歌時
有詩僧貫休以詩謁王曰滿堂坐醉三千
客一劒霜寒十四州

吳越
備史

賞陳崇劒

後周陳崇隨賀拔岳征討以建威將軍從
岳入關破万侯醜奴崇與輕騎逐北至涇
長阮及之賊未成列崇單騎入賊中于馬
上生禽醜奴于是大呼衆悉披靡莫敢當

之後騎集遂破之岳以醜奴所乘馬及劒

賞之

五代史